

抱玄遠俗不戀榮華恬然滋味無加一片閑心物外別有生涯  
無爲自然清靜結些兒密妙堪誇丹田內便拍塞塞地白雪黃  
芽 內有真陽鍛鍊把元初根蒂復變靈砂得見通明真性似  
玉無瑕功夫十分圓備訪蓬瀛步步煙霞空虛裏有金童玉女  
迎入仙家

贈姚玄玉

道家活計坦蕩簑衣住行坐卧相宜悟徹清貧快樂絕盡狐疑  
生涯逍遙自在水雲遊海角天涯無繫絆縱閑閑來往有甚歸  
依 把握玄中妙趣除心病修鍊有似良醫誰信男兒有孕不  
可思議氣結神凝命佳產胎仙超越九疑恁時節顯朝元歸去  
道藏輯要

丹陽神光燦

畫

胃集七

容儀

贈嚴公

昨宵夢裏幸遇重陽授予秘密仙方杳杳冥冥恍惚太白其黃  
便是刀圭顏色往來流飲似瓊漿成彈丸服之一粒八脈安康  
攜執增添剛刃生光彩輝輝晃耀明堂說得邪魔鬼魅遠遠  
潛藏自然化生兒現跨青鸞得赴蓬莊這玄妙示同流各要消  
詳

寄鄂縣晏公及道眾

山侗馬銚閑吟閑咏不是誇強逞俊謂見人居火院受苦不忍  
時時詩詞勸化啓丹誠闡開玄徑常哭告望人人迴首箇箇聽

信 割斷情韁慾索歸物外無縈無繫無病自在清閑快樂修  
完性命一朝功成行滿有金童持詔邀請如此事奈人人不肯  
折了伊甚

贈塗山余先生

閑閑搜獲人家兒女生前住在何處有甚親親恩愛與他相聚  
生死不相替代甚勞勞爲他辛苦還省悟便須當折火拂袖歸  
去 雲水恣情遊歷無縈繫自然忘機絕慮三疊心琴引動姤  
嬰歌舞虎龍一齊蟠繞結金丹轉增開悟積陰德行功圓真師  
來度

贈淳化染何先生

丹陽神光燦

道藏輯要

毒

胃集七  
川上川

染家爲作閑閑思忖講些是非試聽攬下綾羅紈綺滿椿一甌  
緣甚鍊教傷熟爲惜他顏色故恁染軸了更須碾研且圖光瑩  
拋散水漿無限遇人來取要卽當便認解了瓊頭纏縛自然  
見性恰如修行一著無縈繫可觀真性常清淨顯神光燦燦有  
準

寄興平張先生

超然悟道怡然捨俗甯肯泥拖水漉決烈迴頭趨了恩山愛獄  
堪爲風鄰月伴與雲朋霞友相逐無繫絆在人間先占半仙之  
福 那更真修真鍊得逍遙自在澄心遣慾漸覺溪田芝草異  
香馥郁虎龍繞蟠何處在丹鑪變成金玉神光燦赴前程蓬萊